

Član 3.

Na osnovu Odluke, Općinski načelnik će, sa korisnikom iz člana 1. Odluke zaključiti ugovor o zakupu poslovnih prostorija.

Ugovor iz prethodnog stava zaključit će se nakon ispunjenja obaveza iz člana 2. stav (1) tačka 1. alineja 1. i tač. 2. ove odluke.

Član 4.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-1016/15 Predsjedavajući/po OV
21. maja 2015. godine broj 01-49-1137/14
Sarajevo Doc. dr. **Nedžad Ajnadžić**, s. r.

Ova odluka je objavljena na oglasnoj ploči Općine Centar dana 28.05.2015. godine.

Na osnovu člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo, na 33. redovnoj sjednici, održanoj dana 21.05.2015. godine, donijelo je

ODLUKU

**O PONIŠTENJU ODLUKE O OBJAVLJIVANJU
JAVNOG OGLASA ZA IMENOVANJE ČLANOVA
OPĆINSKE IZBORNE KOMISIJE CENTAR SARAJEVO,
KOJIMA MANDAT ISTIČE 2015. GODINE**

Član 1.

Poništava se Odluka o objavljivanju Javnog oglasa za imenovanje članova Općinske izborne komisije Centar Sarajevo, kojima mandat ističe 2015. godine.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-33sl/15 Predsjedavajući/po OV
21. maja 2015. godine broj 01-49-1137/14
Sarajevo Doc. dr. **Nedžad Ajnadžić**, s. r.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 26.05.2015. godine, verificovao je i donio

ODLUKU

**O KOREKCIJI IZMJENA I DOPUNA
REGULACIONOG PLANA "JAGOMIR II"
(QSI INTERNACIONALNA ŠKOLA SARAJEVO)**

Član 1.

Utvrđuje se korekcija Izmjena i dopuna Regulacionog plana "Jagomir II" (u daljem tekstu: korekcija Plana) "Službene novine Kantona Sarajevo", broj 15/03.

Član 2.

Predmet Korekcije Plana je izmjena u pogledu parcelacije i namjene planiranih objekata, a u skladu sa sljedećim urbanističko-tehničkim uslovima:

- Parcele označene kao 16, 17, 18 i 19 se ujedinjavaju i postaju parcela "B", a parcela označena sa 15 postaje parcela "A".

- Parcela B predviđena je za smještanje same škole i pratećih servisnih objekata, dok je parcela A planirana za stambeni objekat u funkciji škole, za smještaj budućih uposlenika.
- Unutar parcele B, definiše se građevinska površina, unutar koje se potrebni objekti mogu locirati na način kako investitoru bude odgovaralo, u cilju postizanja maksimalne funkcionalnosti kompleksa, a sve poštujući sljedeće odrednice:
 - Maksimalno 50% građevinske površine može biti pod objektima;
 - Minimalno 50% građevinske površine mora pripasti vanjskom uređenju i zelenilu;
 - Maksimalna spratnost unutar građevinske površine je S+P+2.
- Unutar parcele A definisana je maksimalna građevinska linija planiranog objekta, sa maksimalnom spratnošću S+P+2+M.
- Potrebno je obezbijediti parking prostor u okviru građevinskih parcela, u podzemnim etažama planiranih objekata ili otvorenim parking prostorima, sa minimalnim brojem 1 stan - 1 parking mjesto za stambene objekte i određenim brojem parking mjesta za potrebe škole u skladu sa odgovarajućim normativima.
- U grafičkom prilogu br. 3 Urbanističko rješenje - korekcija i br. 4 Analitička obrada građevinskih parcela, unesena je predmetna Korekcija.

Član 3.

Korekcija plana sastoji se iz tekstualnog dijela i grafičkih priloga (graf prilog 1 - Izvod iz ID R.P. "Jagomir II", graf prilog 2 - Urbanističko rješenje - prema planu, graf prilog 3 - Urbanističko rješenje - korekcija i graf prilog 4 - Analitička obrada građevinskih parcela) na kojima je prikazana korekcija Plana.

Tekstualni dio i grafički prilozi korekcije Plana, sastavni su dio Izmjena i dopuna Regulacionog plana "Jagomir II" ("Službene novine Kantona Sarajevo" broj 15/03).

Član 4.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 5.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna Regulacionog plana "Jagomir II", te da pribavi saglasnosti nadležnih javnih komunalnih preduzeća.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-4246/14 Općinski načelnik
26. maja 2015. godine **Dževad Bećirević**, s. r.

Ova Odluka je objavljena na oglasnoj ploči Općine Centar dana 26.05.2015. godine.

Na osnovu člana 69. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Zaključka Općinskog vijeća Centar Sarajevo, broj: 01-33/15 od 21.05.2015. godine, Općinski načelnik donosi